

omnibus juvaturum : nec mea me fefellit opinio ; nam , ut communi fertur adagio , novos currenti stimulos addidit , ingentibus benefactis , hospitioque me humanissimo acceptum decoravit . & optima quæque in ipsa mea tentati operis desperatione hortatus , tandem eodem adduxit , quò nil supra mibi honoris , & operi felicitatis , audacissimo cuique ne quidem fuissest optandum . Quippe dum re infesta brevi me discessurum cōhibuisset , factum est ut quas à typographis honestæ societatis conditiones obtinere minimè potuerim , NOBILISSIMI VIRI meliores ultro exhibuerint , præsidioque suo tantæ moli sustinendæ suffecerint vires .

Amor Italicarum rerum (quas inter potissima pars maximæ huic in occidente universo post Romanam urbi , iis præcipue temporibus , quibus , concutientibus Barbaris Romanum Imperium , in deterius abierunt) amor inquam iste , quod fortunæ meæ tribuo , verè Patriis viris invaluit , & laudato MURATORII nostri consilio , desiderium operis excitavit , venientibus ne si nostra hæc series , in quam tot ex Ambrosiana Bibliotheca MSS. Codices sunt illati , aliorum typis , in vulgus prodiret , sua Mediolanensibus sordere videretur : immo ne quid ad absolutissimum opus deesset , collata cum stipe libraria suppellectile , suos quisque lubens probatissimos codices , varia omnes eruditiois ornamenta in unum congesserunt , Pa-